

Health Study

Bonaire, St. Eustatius & Saba

2017

Investigashon di malesanan infeksioso i salú



Health Study Boneiru, St. Eustatius & Saba: investigashon di enfermedat infeksioso i di salú

Ta protehé poblashon di Boneiru, St. Eustatius i Saba sufisientemente kontra enfermedat infeksioso, manera sarampi i polio? I kuantu kaso di dengue sa tin? Kon ta pará ku sirkunstansha di bida personal i ki sorto di enfermedat króniko, manera diabétis, tin? Pa kontestá e preguntanan akí i algun otro, ta realisá e Health Study na mei i yüni di 2017. Ku e resultadonan di e investigashon akí por prevení i kombatí mas mihó vários enfermedat den futuro.

Ken ta haña invitashon?

Pa medio di un muestra saká for di registro sivil (PIVA-V) ta invitá 8000 persona di o te 89 aña:

- 5000 persona na Boneiru,
- 2000 persona na St. Eustatius i
- 1000 persona na Saba.

Kada persona ta haña un invitashon personal pa bai un konsultorio den su besindario.

Dia 2 di mei ta kuminsá ku e estudio na Boneiru. Despues for 30 mei te 9 yüni ta reuní dato na St. Eustatius i for di 12 te 19 yüni na Saba.

Kon e investigashon ta tuma lugá?



Durante e ora di konsulta ta hiba un kòmbersashon orientativo ku e persona, kaba e ta firma un deklarashon di outorisashon.



Despues e ta haña un chekeo médiko: ta midí kon haltu e ta, kuantu e ta pisa i ta kohe preshon, sanger, i ta tuma frótis di garganta, nanishi anto ta splik'e tokante e parti di e muestra fekal, kual ta sosodè na kas di e persona.



Por último ta yena un lista ekstenso ku pregunta tokante salú. E investigashon ta dura mas o ménos un ora.



Komo danki pa su kolaborashon kompleto na e investigashon e partisipante ta haña 25 dòler den e forma di un opsekio karchi.

Kiko ta pasa ku e materialnan di e investigashon?

Na momentu ku regresá Hulanda ta warda e materialnan di estudio na Instituto di estado pa Salubridat Públiko i Medio Ambiente (RIVM). Den laboratorio lo midí e kantidat di e antipurpanan den sanger kontra e enfermedatnan infeksioso di e programma di vakunashon di estado (Rijksvaccinatie-programma) i kontra e enfermedatnan infeksioso ku ta mas frekvente lokalmente. Tambe ta bai indagá kua ta e bakteria-i vírusnan ku sa tin den nanishi, garganta i shushi. Finalmente ta usa e lista di pregunta pa reuní i klasifiká e faktornan di riesgo.

Partisipashon ta importante!

Komo partisipante na e Health Study poblashon Boneiru, St. Eustatius i Saba ta kontribuí ku un aporte importante na salubridat públiko. P'esei ta importante pa mas tantu hende posibel partisipá. Partisipashon ta boluntario i tur dato ta keda konfidensial.

Ken ta realisá e investigashon?

Riba enkargo di ministerio di Salubridat Públiko, Bienestar i Deporte (VWS), Instituto di estado pa Salubridat Públiko i Medio Ambiente (RIVM) ta hasi e investigashon akí den kolaborashon ku Ofisina Sentral di Statistik (CBS) i e departamentunan lokal di salubridat públiko (GGD).

Mas informashon

Riba website www.rivm.nl/healthstudy bo por haña mas informashon tokante e investigashon for di prinsipio di aprel 2017. Bo por hasi pregunta na telefòn via e departamentunan lokal di salubridat públiko durante tur dia di trabou entre 8.00 or i 10.00 or

- Boneiru: +599 717 2211
 - St. Eustatius: +599 318 2891
 - Saba: +599 416 3311, ext.101
- òf via healthstudy@rivm.nl.



RIVM, Health Study

Postbus 1, postbak 75 | 3720BA Bilthoven | Nederland

Website: www.rivm.nl/healthstudy

Mail: healthstudy@rivm.nl



Rijksinstituut voor Volksgezondheid
en Milieu
Ministerie van Volksgezondheid,
Welzijn en Sport

